

Q. D. B. V.

DIATRIBE HISTORICA
POSTERIOR

*Quâ
præter*

GENUINAM ORIGINEM;
ANTIQUOS

CURLAN-
DÆ GENTIS
MORES

publicè recensebit

P R A E S E S

M. SAMUEL RHANÆUS,
Gramsdenâ Curlandus.

RESPONDENTE
JOH. CHRISTOPHORO ERNESTI,

Keula - Thuringo.

Addiem III. Novemb. A.O.R.M.DC.LXXXIII.

H. L. Q. C.

WITTENBERGÆ, Typis Viduæ Augusti Brüningii.



Uod superiori disputatione per-
secuturum me recepi, id in præsens exequi, constitu-
tum mihi est, quoniam promissi fides me admonet,
& ratio ordinis hanc seriem omnino poscit.

§. XVIII.

Quicquid ergo placeat eruditis, quicquid itē de Sarmatarum origine Scriptores commemorati eligant; ego Præceptoris Germaniæ, clarissimi Melanchthonis vestigia omnium maximè sequenda mihi existimo: quandoquidē aliorum suffragia acce-
dunt, eaq; doctiorum applausu muniuntur. Deducit autem ille Sarmatarum, & sigillatim Henetorum seu Venedorum, (quos ille quidem promiscuè pronunciat) origines, à RIPHATO, Gomeri filio: cuius verba non piget apponere, ut tanto dulci-
us ex ipso fonte bibantur aquæ: (a) à Riphate, inquit, Riphei,
i.e. Gigantes. Notissima est autem appellatio Ripheorum monti-
um, de quibus, et si quid alii scribant, non ignoro, tamen in illa
parte Septentrionis hac appellatio celeberrima fuit, in qua fue-
runt Sarmatae, & inter Sarmatas Heneti, sicut Ptolemaeus inquit;
Sarmatarum gentem maximam Henetos esse. Nomino autem
Henetos omnes, ubi cunq; considerunt, qui lingua Polonica usun-
tur, etiam si dialectis differunt. Et paulò post, progressos, subji-
cit, Henetos, occupasse & adhuc tenere eas regiones, quanunc nos
minantur Russia, Lithuania, Polonia. Pauloque ulterius, com-
plevisse etiam litus Balticum, addit, unde nomen esse in Prussia
Sinus Venedici. Concludit tandem, à Riphate, Ripheos, hosq; Sar-
matas esse & Henetos. Idemq; in re pari, felicitate non im-
pari, aliis verbis persequitur, quæ jam prioris diatriba §. X. re-
censui, atque huc arcessi debent.

(a) Chron. Carion. Lib. I. fol. 23.

§. XIX. Neq; id primus & nuper admodum, atq; ex suo
saltēm ingenio commentatus *Melanthon* existimari debet,
cujus antiquiora sanè vestigia extant. Etenim si vera (a)
Bochartus scribit, jam inde *Eusebius*, *Sauromatas* per *Riphæos*
interpretatus est, nihil etiam obnitente *Josepho*, quem *Paphla-*
gones per *Riphæos* explicantem, dudum conciliavit *Melan-*
thon, inter antiquius, & sequioris eri nomen distingueens.
Melanthoni, viro gravissimo, subscribit Jureconsultus & Po-
lyhistor eximus, & in originibus Sarmatarū & slavorum exerci-
tatisimus, (b) *Johannes Matthias a Sudetis*, & utrique horum,
præter alios, nuper adhuc (c) *Georg. Hornius*.

§. XX. Facilè autem in concordiam redigi, componique
possunt, qui cum *Beroso* & aliis, *THUISCONEM* condidisse Sar-
matas autumant, qvive exinde *Thuisconem* Germanorum
Sarmatarumq; Patrem appellant. Aut enim illi *Thuisconē* edu-
xisse Japhetigenam *Riphæorum* progeniem, (exemplo(d)) *Aven-*
tini non multum dispari credunt, atque sic *ASCENAZO*, non
paterna generationis beneficium, sed prima saltēm *introducti-*
onis debeti a Sarmatis, existimant. Aut etiam, quod vel maxi-
mè crediderim, non probē, & neglectis originum, migratio-
numque characteribus, non accusatē Sarmatas distinguunt a
Germanis, cujus vel hoc argumentum est, quod(e) *Job. Functius*
per Sarmatas *Thuiscones Germanos* sūe interpretetur, atq; non
nulli apud(f) *Williebium Rheni* Sarmatas adducant, qui verè &
propriè dicti, nulli fuerunt; quō ipso coargui *Berosus* debet, quem
vel hoc nomine, quod Sarmatas Rheno terminat, suspectū meri-
tò doctis omnibus(g) *Job. Matthias a Sudetis* habet, dubitatq; an
is sit, qui *Alexand. M.* temporibus vixit, & cujus historias citat *Jo-*
sephus & Atheneus, cuique statuam, inauratā lingva, Athenienses
in gymnasio statuisse, autor *Plinius* existit.

§. XXI. Nunc ergo ex iis, quæ satis & abunde dicta sunt, DE
GENUINA CURLANDÆ GENTIS ORIGINE, ita colligo, conclu-
doque

(a) *Phaleg. lib. III. Cap. X. p. 193.* C. (b) in *Subsecivis*, de origine Bohemorum
& Slavorum (c) in *Imperialiorum & Regnorum historia*, p. 108. & 109. (d) vid.
diatrib. prioris §. XIII., (e) in *Chronol. fol. u. ad annum 6. Ital.* (f) in *Ta-*
*citum ap. Schard. rediv. fol. 42. B. 1. & u. [g] in *Bohem. & Slavor. origine*.*

doq; ,Curlandam gentem e Riphato,Gomeri Japhetigenæ filio,
prognatam,propagatamque esse, ita tamen,ut (si Matth. a Sude-
ris sequimur,)Riphæi (a) (Pomp. Mela RIPHACES, & ARIM-
PHAEOS (b) Plinius dicit) seu HENETI aut PAPHLAGONES
in terra Asia patria, usq; ad excidium Trojæ, annum a condito
M. 2788. a diluvio 1131 a condit. turr. Babyl. 1030. ante N. C. 1183.
permanserint, tum ex Paphlagonia egressi, AUT prius Illyri-
cum, præter vicina ad Bosphorum Cimmerium loca, occu-
parint, exinde verò, cum sedis suæ habitationisque spatia, cre-
scente indies sobole, magis magisque impleri,nec capitndis tot
incolis sufficere posse intelligerent; novas sibi terras,Septentri-
onem versus quærere coacti,in has usq; oras diffusi sint; AUT,
immediatè statim,& rectò itinere,aliqui eorum,(eò tamen dis-
crimine, ut,qui in Illyrico consederint, VENETOS,apud pro-
batos autores, qui ad Arctum commigrarint, VENEDOS scri-
ptos,deprehendas;) huc concederint, atq; sumpto, per occa-
sionem morum,generali SAUROMATARUM nomine, totius
undique maris, exinde dicti SARMATICI, littora Septentrio-
nalib implerint,Scriptoribusque antiquioribꝝ,præter dicta mo-
do SARMATARUM, VENEDORUMque nomina, mox SCY-
THARUM,mox ÆSTIORUM,mox LEMOVIORUM & EFFLU-
ORUM,mox HIRRORUM atque RIPHACUM,appellatione
venerint, si unicus, quantum ejus mihi constat, Ptolemaeus ex-
cipiatur, qui CARYONUM vocabulò eos denotasse videtur.

S. XXII. Sexto tandem à Ch: N. seculò,SLAVICI nomi-
nis historiæ inserti, Nonð, quò Franci Carolovingi regnabant,
CHORI dicti, Undecimò postea, Duodecimo, & sequentibus,
CURETES,CURI,CURONI, & imprimis CURLANDI nomi-
nari cœperunt; Quod cum plus satis jam priori diatribe §. I. II.
III. IV. V. VI. VI. dixerim,isthuc L. B. remitto, atq; omnino ex
dictis GENUINAM CURLANDÆ GENTIS ORIGINEM intel-
ligi posse,mihi persuadeo,inde etiam id largius exequi desino.
Unicum hoc obiter,atq; ὡς ἐν παρόδῳ adjicio,quod de antiqua Illy-
rici urbe apud(c) strabonem reperi, quæ ipsi VENDUM dicitur,

unde non falso fortè indicio, vel nominis argumento, quod proximè dixi, confirmari posse videtur; non enim obscurè id ipsum indicat, HENETOS, VENEDOSque latè se diffusisse, & non minus in Illyrico, quam nostra Curlandia, habitationis suæ nomen reliquise: Nec tamen valde repugno, si cui magis placeat, quod nonnemo VENDI, Curonorum oppidi paronymon, à VINNONE, Ensiferorum ordinis Magistro, ex *Chron. ord.* MS. repetere cupiat satagatque.

§. XXIII. Alterum nunc thema tractandum mihi est, INDIGENÆ AN ALIENIGENÆ sint hodierni incolæ, qui ex RIPHATI quidè posteritate hic supersunt, & in plebe rustica, vestigia istius stirpis habent. Quæstionis summa in eô posita est: utrum ABORGINES censeri debeant, & unâ eâdemq.; ac non interruptâ propaginis serie, iisdem parentibus VENEDO-SARMATICIS, quos RIPHATIGENAS, ex Paphlagonia huc commigrasse, priori themate constitit, propagati? an verò, hisce penitus extintis pulsue, aliorum, ceu nova prorsus colonia introducti, aut ad minimum etiam, exterarum gentium adventu, hospitiisque commixti, conjunctive credi possint? Quod sane thema, tantò est intricatus, quantò curiosius, & tantò minus accuratè à me definiri posse fateor, quantò magis à summis quibusque historiarum rerum Scriptoribus, usque huc, neglectum esse, ne mo mecum diffiteri potest. Dicam tamen, quod mihi ex qualicunque migrationum cognitione, & in primis charactere sermonis, (qui præcipuas hoc in argumento partes, mēa sententiâ sustinet) verosimilius videatur.

§. XXIV. Qvamvis autem non merè ABORGINES crediderim, tamen nihil mæ opinioni officit, si ante eos Scythæ in has terras venerint, quippe, quorum tunc non fixæ sedes, nec animus manendi, certumque habitandi institutum fuere, atque adeò ABORIGINUM prærogativam verè haud possederunt. Evidem haud diffiteor, similitudinis, & morum universi populi congruentium documento, & lingvæ in universum dia-

lecto

lectō (per paucis vocabulis, tribusque saltem aut IV. vocalibus exceptis, quæ commutari inter Semgallos Curonosque solitæ, consuetudine irreperserunt, eosque non distingvunt) adduci forsitan posse quenquam, ut puros indigenas, neque exteris permixtos credit; attamen, si, quod historiæ fides exigit, ingenuæ aperiendum est, fieri non potuit, quin tot tantæque, in has, aut finitimas certè oras, factæ migrationes, non aliqua saltem, commixtionis vestigia relinquerent. Libens taceo, quod de GOTHORUM, trecentis ante Ch. N. annis, in terras Septentrionales adventu, *Pytheas*, scriptor antiquissimus, apud (a) *Plinium* enarrat: Nec dicam nunc, quod ÆSTIORUM, penetrata Prussia, Livoniaq; celebratorum, & ab origine Germanica descendantium, non obscura vestigia in ESTHONIA, hodienum existant. Multo minus huc adferam, quod apud (b) *Johannem Magnum* de altera GOTHORUM sec. I. facta in has regiones commigratione, legi potest, qui duce Getherico e Gothia, maritimo itinere egressi, superatis Ulmerugis, CURETIBUS, Samagetis, Estonibus, tandem relictis præsidiis, Vilimero, Getheric filio parere jussi, in Gothiam, cum honestiori victoria reddiisse scribuntur. Alia prætereo, quæ satis evincunt, non potuisse incolas nostros usquæ adeò impermixtos servari, ut non unâ & altera vice, exteræ gentis necessitudinibus se illigarent. Unicum sermonis argumentum sat validum est, & probaturo sufficit; Etenim si purè gens nostra hodienum SLAVONICA, nec exteris quibusdam admixta esset, & linguam ejus dialectumq; purè SLAVONICAS esse oporteret: Quorsum erò nunc vocabula LATINA, GERMANICA, ITALICA, RUSSICA, spectant? quæ copiosimè irrepissæ in sermonem Curicum, in quo eo extare, nemini ejus gnaro non constare potest.

§. XXV. Exinde jam colligi posse existimo, nostrates hodiernos incolas (loquor autem de plebe rusticæ, de aliis res per se in aprico est) esse quidem ABORGINES, & iisdem parentib⁹.

(a) *Hist. Nat. Lib. XXXVII. Cap. II.* (b) *in Gothorum Sueonumque historia, Lib. V. cap. II. pag. 196.*

VENEDO-SARMATICIS, quos ex Paphlagoni. gressos, hucque delatos, sedes fixisse, superius affirmatum est, prognatos propagatosque, non tamen non sèpè aliis propaginibus immixtos, aliquid a populis ad se commigrantibus traxisse. Neque hic locum invenit, si quis obtendere satagat, Venedorum e Russia LIVONIA que factam in Vandalorum, tum crebris expediti- nibus exhaustas sedes, successionem, quam gravissimorum Scriptorum consensu firmari, & à (a) Bangerto repeti, ejusque initium ab imperio Valentiniani III. arcessi, per est manifestum. Non enim ea impedit, quo minus statuamus, Venedos non omnes omnino tunc temporis patrias sedes reliquisse, nec ad unum omnes in Vandalorum sedes commigrasse, ita, ut ad occupandas terras, omnino incolis cedentibus vacuas, vicinorum colonias invitarint; disvadet enim id ipsum ratio, & silent omnes, quicunque etiam, migrationem hancce consignandam sumsere. Morum etiam similitudo, linguaeque dialectus nihil evincunt, cum facile permittas gentes in habitu & moribus, addo etiam sermonis genere, conformari invicem sibi posse, vel ipsò hoc Venedorum Vandalorumque exemplo Bangertus aperte satis demonstret.

§. XXVI. MORES CURONICÆ GENTIS ANTIQUI nunc restant, quos strictim breviterque attingam, ut leges autoritate publica fixas, dissertatio hæc servet. Liceat autem mihi quasi in antecessum nonnulla de habitu corporum annotare, que indubitate quidem definiri non possunt, ac subinde in uno eodemque loco variant, nec facile nunc a me determinantur. Ubi statn in mente mihi veniunt verba sapientis, & rerum periti artificis (b) Vitruvii, immanibus corporibus gentes sub Septentrionibus nutriri, afferentis, quæ èo minus dubia cuiquam videri debent, quod (c) Plinii patrocinio firmantur, quippe qui ratione autoritati junxit, graviterque scripsit: ob humoris alimentum Septentrionalibus proceritatem corporis attribui debere,

Conf.

[a] in Chron. Slavor. Helmold. Lib. I. Cap. II. (b) de architectura. Lib. IV. Cap. 1.
[c] Hist. Nat. Lib. I. Cap. LXXVIII.

Coaf. (a) *Joh. Lascius* & alii. Imprimis cibi potusque simplicitas, corporibus innoxia, & simul utilis, lactisque alimentum vigori peraptum, & laboris assiduitas, disciplina item, ususque armorum, & venandi studium, langvorem mollitiemque arcebant, & moli roborige corporum augendo, ex asse serviebant. Huc spectat similitudo corporum Germanicorum, quæ iisdem ex causis, valida & procera evaserunt; quod nuper doctissimè (b) *Herm. Conring.* est persecutus.

§. XXVII. Capilli genus ita gens directum, si (c) *Vitruvium*, si (d) *Plinium* sequimur, promissum aluit, quod (e) *Aristotelii* simplex est, & causa ejus principiumque cum temperamento gentis, tum ambientis aeris humiditate designatur. Capillos autem non more Romano resecuisse gentem hanc colligitur, quorsum spectant etiam de barba non tonderi solitâ, qvæ de Getis observat (f) *Ovidius*.

§. XXVIII. Color Septentrionalium, quantū ad cutem candidus, sed qvatenus ad oculos spectat, coeruleus glaucusve, flavus tandem ac rufus, qvod ad pilum, apud (g) *Vitruvium* (h) *Aristotelem*, (i) *Plinium* (k) *Tacitum*, & alios observatus legi potest. Confer. (l) *Julius Firm. Maternus*. (m) *Procopius*. (n) *Cassiodorus* (o) *Adamus Bremensis*, (p) *Helboldus*, aliique.

§. XXIX. Huc pertinet etiam ætatis, vitæque terminus, qui non sanè tam arctus fuit, ut robori corporum non congrueret

B

eret

[a] de Diis Samagitharum. (b) integrō tractatu de habitus corporum German. causis. (c) de architectura Lib. IV. Cap. I. [d] Hist. Nat. Lib. I. Cap. LXXVIII. (e) de generat. animal. Lib. V. Cap. III. (f) Lib. I. Trist. Eleg. VII. & de Ponto Lib. I. Eleg. LX. (g) Architect. Lib. IV. Cap. I. (h) Problemata. sect. ult. quæst. II. (i) Hist. Nat. Lib. I. Cap. LXXIX. (k) de German. moribus. Cap. IV. (l) Lib. I. Cap. I. [m] Lib. I. Histor. Vand. (n) Lib. IV. Var. Ep. XLIX. & in Edicto Cap. CXCV. (o) Lib. de situ Dania & reliquar. Septentrional. Region. Cap. 227. pag. 147. (p) in Chro- nica Slavorum Lib. I. Cap. I. pag. 2.

eret, qvoniam calore nativo firmi, & labore durati, viridem
senectam agebant, & imprimis grandæui siebant ; qvod non
ambiguè, de gente sigillatim nostrate apud (a) *Lascium* colli-
gamus, atque exemplis quibusdam apud (b) *Strykovskium*, atq.
(c) *Kojalovicum* confirmemus.

§. XXX. Inter mores verò ipsos, primo loco eos inter-
pretabor, qvi victus rationem modumque attinebant. Panem
gens prisca, panisque usum ignorabat, *neç pane vicit abat, a-*
raturumque non adhibebat, prout explicat (d) *Herodotus*, & ex
veteribus docet confirmatque (e) *Erasmus Stella*. Sed sparsim ad
pascua exhibant, ac sapidissimam quamque herbam, ac sponte natos arborum
fructus comedebant, quod ex (f) *Diodoro Siculo* colligunt, anno-
tantque. Tum & pecorum carnis vescebantur, adeò, ut ne
ab equinis sibi temperarent. Illud autem ab ingenio nostræ
gentis alienum dixerim, quod (g) *Perottus* affirmat, Sarma-
tarum nonnullos humanæ etiam carnis alimento vitam du-
xisse, & bellantes, cruento ejus, quem primum interimerent,
ex ipsius vulneribus bibisse : et si, inconditam alias, & belui-
nam prorsus vitam, egisse (h) *Diodoro* non repugnare ausim;
carnibus enim non elixis & assis, sed crudis & qualitercumque
dilaniatis delectatos esse constat. Nullus, autrarus ferri usus,
cultri & instrumenta ad concidendum apta non suppetebant,
sed vice eorum ossa, aut ligna, lapidesque præacuti adhibeban-
tur, imprimis ungibus ad concerpendum, nostræ, doctorum
que conjecturæ, utebantur. Eodem tempore, (si *Hippocra-*
tes autor librorum de moribus est) butyrum (quod lac concre-
tum (i) *Virgilius* interpretatur) ex lacte equino in lignis
excavatis agitato, coagulabant, quod e sangvine etiam equi-
no

(a) in Lib. de Diis Samazit. in descript. Reipubl. Polon. pag. 295. (b) in Sar-
mat. Europ. descript. Prussie. (c) parte II. Hisp. Lithuan. Lib. II. ad
annum 1413. (d) Lib. IV. pag. 29. (15.) & pag. 99. (244.) (e) Lib. I. anti-
quit. Pruss. (f) Lib. I. Bibliotheca, pag. 8. (g) in Cornu copie fol. 418. (h) Lib.
I. Biblioth. p. 8. [5]. (i) Lib. III. Georg. vers. 46i. seq.

no fieri solitum, apud nonneminem observatum lego, & hōdiendum Russis in usu esse, à quōdam Russicarum rerum non imperito accepi. Quin & hippacen (a) *Plini*, non minus tunc familiarem, per caseum equinum plerique exponunt, & simul opinioni nostræ accedunt, & etymi indicō non falluntur.

§. XXXI. Sitim aquâ, lacte, etiam equino, aut cruroe simili pellebant, ac per deserto errantes, equorum venas aperiebant, sanguinemque eportabant, in quam rem multi scriptores tradunt, & doctus ævi sui polyhistor. (b) *Perottus*, iis planè adstipulatur. Alii sanguinem equinum non purum, sed lacte mistum malebant, & quod præcipue miremur, hōc potus genere crapulam sibi contraxerunt, quod (c) *Adamus Bremensis* consignavit, & inebriatos esse, testatus est, atq; ex eo descripsit (d) *Helmodus*: Indeque γαλακτοφάγων, γαλακτοπότων, ac ἡπτοριάλυγων, nomina sortitos esse constat, ut legitur apud (e) *Perotum*.

§. XXXII. Sequioribus tamen temporibus, mores paulatim mutarunt, quando sensim paulatimque humaniores facti, agros hortosque colere cœperunt: Ita etiam, ut (f) *Tacito* admirante, frumenta, ceterosque fractus patientius, quam pro solita Germanorum inertia laborarint. Inde farinæ usus invaluit, quam equino sanguini commixtam inter cibos adhibuerunt, ut (g) *Perottus* existimat, & lacti equino additam, atque in pultem conflari solitam (h) *Plinius* consignavit. Tum verò imprimis melle abundabant, quod cum aqua despumatum, mellificatum, seu medonem dixeré, potusque locō habuere; donec tandem Germani, & panis usum, & carnium assarum, elixarumque modum, nec non Zythi curmique coquendi artem introduxerunt. Quæ singula conferri possunt apud

(a) *Hist. Nat. Lib. XXVIII. Cap. IX.* (b) in Cornu Copie de Sarmatis. (c) *Lib. de situ Dacie & reliq. Septentr. Region. Cap. 227. pag. 147.* (d) *Chron. Slavorvm Lib. I. cap. I.* (e) *Loc. cit.* (f) *de German. moribus* (g) *Loc. cit.* (h) *Hist. Nat. Lib. XVIII.*

(a) Herodotum, (b) Pompon. Melam, (c) Diodor. Siculum, (d) Adamum Bremensem, (e) Helmoldum, (f) Erasm. Stellam. (g) Petrum de Dusburg, (h) Cromerum, (i) Chron. Ord. (k) Hennebergerum, (l) Herm. Conringium, (m) Loccenium, aliasque egregios priscæ historiæ conditores.

S. XXXIII. Domicilia, non arte facta, sed rudi opere ex cespitibus arboribusque constructa primitus habuisse, affirmo. Quotus enim quisque est, qui ignorat, inorem vagandi per solitudines, apud eos receptum? Non autem modo per deserta, & sylvas saepe errarunt, sed etiam pro ædibus, plaustra, coriis, imbrium hyemisque causâ, tecta, aut specus etiani & suffos- sa habitarunt, aut arborum subere nexuque ramorum, ab imbris & algoribus, sese ac infantes, protegere conservaverunt; ut ex antiquis & gravibus autoribus, (n) Herodoto, (o) Tacito, (p) Pompon. Mela, (q) Justino, (r) Erasmo Stella, (s) Kojalovizio & aliis colligi abunde potest. Domos ceteroquin ædificandi institutum a Germanis, ut hi à Romanis acceperunt, quando assentiente Tacito, multum ex Germanorum moribus paulatim traxere, adeò, ut ob hanc similitudinem Tacitus dubitaret, utrum eos Germanis adscriberet, an Sarmatis adnumeraret.

S. XXXIV. Idem de vestitu pronunciandum est, cuius rationes cum Germanis communes habuerunt; quando utrosq; necesse

- (a) Lib. IV. (b) de situ orbis Lib. III. Cap. IV. (c) Biblioth. Lib. I. p. 8. (d) de situ Danie & reliq. Septentr. Region. Cap. 227. pag. 147. (e) Chronicæ Slavorum Lib. I. Cap. I. (f) Lib. I. Antiquit. Pruss. (g) parte III. Chronicæ Pruss. Cap. V. & LXIX. (h) de origine & reb. gestis Polonorum Lib. III. in Corp. Hist. Polon. Tom. II. pag. 443. (i) fol. 19. a. (k) in Lib. de V. P. fol. 56. (l) de habitus corporum Germanorum causis. [m] Antiquit. Sveo-Gothic. Lib. II. Cap. XXI. (n) Lib. IV. p. 259. (o) de Germanoribus. (p) Lib. II. de situ orbis Cap. I. & Lib. III. Cap. IV. (q) Lib. II. Hist. Cap. II. (r) Lib. II. Antiquit. Boruss. (s) Parte I. Hist. Lithuan. Lib. I. pag. 13.

necessitas, frigorisque inclemens docuit, ferarum exuvias
vestimentis adhibere. Pelles animalium rudes & incompositæ
erant, quibus tum maximè abundarunt, easq; sequiori tem-
pore cum Germanorum mercibus commutarunt, ut ex media
historiæ scriptoribus liquet; neq; dissentiant (a) *Adamus Bre-
menis* (b) *Althommerg*, & (c) *Willichig*, (d) *Helmoldus*, (e) *Cluverg*
aliq. Pellibus verò & rhēnonibus, de quibus (f) alibi jam dictū
est, primitus humeros saltem ac terga velati, reliquum corpus,
maximam partem intecti erant, usque dum pelles hasce, ad cul-
tiorem Germanorum morem formamque compónerent, ma-
gisque usu edocti, manicas inderent, & tandem veste in inte-
gram consuerent, Germanosque etiam hoc instituto imitaren-
tur. Et vix dubito, quin pellitæ gentis vestigia in posteris per-
manserint, cum etiamnum ista Venedicæ gentis propago, fer-
vidissimo quoque anni tempore pellibus utatur. Linteatum
e lino faciendorum, pannive e lana texendi artes, a Germa-
nis acceptæ, adhuc vigent, & hodie nulli non tugurio sunt
communes. Ex libris quoque arborum vestimenta consecisse,
(g) *Mela* non contradixerim, præsertim cum hodienum plebem
nostratem id facere sciam, atque in aprico sit, eam e textili atq;
plicatili arborum, maximè tiliarum pellicula, quæ cortici in-
teriori proxima est, calceamentorum genus quoddam parare.
Nec sagum *Taciti* hic omiserim, quod ultimis temporibus re-
ceptum, hucusque foemellis nostratisbus usitatum, imò
quotidianum, Romanisq; veteribus admodum simile est,
quæ tum quadram & quadratam figuram habuisse notat (h) *Isi-
dorus*, atque e lana aspera & villosa contexta fuisse (i) *Strabo*
indicat; forte etiam suspicari liceat, à lana (Wille) populi no-
stratis.

(a) *de situ Dan.* &c. *reliq. Sept. Reg. cap. 217. p. 147.* (b) *in Tacit. ap. Schard. red.*
Tom. I. fol. 15. a. (c) *ap. Schard. red. Tom. I. fol. 53. a. XIV.* (d) *in Chron. Sla-
torum Lib. I. Cap. I.* (e) *Germ. ant. Lib. I. Cap. XVI. pag. 115. 116. 117.* (f) *in ar-
gum. historiam complectentibus §. XIV.* (g) *Lib. III. Cap. III.* (h) *Lib. XLIX.*
Cap. XXIV. (i) *Lib. IV.*

stratis vocabulum, *Willasne*, (quod ipsi sagum est) nuncupatum esse. (a) *Dionysius Halicarnassensis* Lydis Persisque (b) *Mela* quibusdam Africæ populis, (c) *Strabo* Belgis Gallisque tribuit: Lænas dici, usu & autoritate (d) *Martialis* & (e) *Juvenalis* constat. Videri possunt de hisce pellium, vestimentorumque generibus, modisque (f) *Cæsar*, (g) *Seneca*, (h) *Ovidius*, (i) *Pomp. Mela*, (k) *Tacitus*, (l) *Isidorus*, (m) *Plinius*, (n) *Lucanus*, (o) *Adamus Bremensis*, (p) *Helmoldus*, (q) *de Dusburg*, (r) *Lascius*, (s) *Cluverus* aliisque.

§. XXXV. Nunc de cultu divino aliquid breviter addendum est, qui, et si per omnia capita sigillatim definiri non posse, tamen abunde patet, gentem nostratem inter alias maximè superstitionibus deditam fuisse; Quorsum spectat testimonium (t) *Adami*, ingenuè affirmantis, *Carlandam* gentem crudelissimam, ob nimilum idolatriæ cultum ab omnibus devitari solitam, domusque omnes, auguriis & necromanticis plenas, vestitu insuper monachico induitam fuisse: ubi sane vestigia defendunt *Bremensem*, comprobantque adserita: aurum verò illis plurimum adscribentem, responsaque a totò orbe, maximè Hispanis & Græcis ibidem petita, adserentem, facile excusat falsa narrationis transmarinæ fides. Illud vero omnibus constat, solem, lunam, stellas, tonitrua, fulgura, ignem, serpentes, dracones, bufores etiam & alia, mox cum, mox sine simulacris, ibi culta quondam & adorata fuisse, & utinam nunc omnis ea in universum exstincta extirpataque superstitione eslet! Huc referri debent (u) *Adamus Bremensis* (x) *Sigismundus L.B.* ab *Heberstein*, (y) *Matth. Strykovsky Ossostevicens*, (z) *Petrus de Dusburg*,

(a)

(a) *Lib. III.* (b) *Lib. I. Cap. VIII.* (c) *Lib. IV.* (d) *Lib. VI.* (e) *Satyræ IX.* (f) *Lib. IV. & VI. belli gallici.* (g) *Lib. I. de ira Cap. XI.* (h) *de ponto Lib. I Eleg. VI.* (i) *loc. cit. [k] Hist. Aug. Lib. XVII. & XVIII.* (l) *Lib. XLIX. Cap. XIII.* (m) *in proem. Lib. XII.* (n) *Lib. I.* (o) *desit. Dan. & Rel. Sept. Reg. Cap. 217.* (p) *Lib. i. Chron. Slav. cap. I.* (q) *part. III. Chron. Cap. V.* [r] *de diis Samagitharum.* (s) *Germ. ant. Lib. I. Cap. XVI.* (t) *loc. cit. cap. 223. pag. 146.* (u) *loc. cit. cap. 223. & 224.* (x) *in Comment. rer. Moscovit. pag. 84.* (y) *in Sarmat. Europ.* (z) *Chron. Pruss. part. III. cap. V.*

(a) *Lascivius*, (b) *Michalao Lithuanus*, (c) *Chronicon Ordinis*, (d) *Hennebergerus*, nec non de sylvis, fontibus & lacubus, diis ipsorum sacris, (e) *Matthias de Michovia*, (f) *Helmoldus* & alii. Eodem faciunt, quæ nuper admodum de Veterum Prussorum Diis diligenter *Hartknochius* conscripsit.

§. XXXVI. Qvamnam verò connubiorum legem ritumq;
habuerint, haud facile est, explicare, promiscuis vagisq;ve libi-
dinib; conjugiū foedasse, vix apud idoneos legas, & nullo verosi-
mili indicio defendas. Adulteria namque proscripta, punitaque
sunt, non secus atque apud Parthos, quibus *Scythicum* morem
tribuit (g) *Justinus*, atque ita turpitudinē hanc aversti sunt, ut,
(h) *Hennebergero* tradente, non modò vivi cremationis pœnam
in adulteros statuerent, sed memoriam quoque illorum, sparsis
in viam publicam cineribus, abolendam censerent. Singuli-
tamen plures uxores habuerunt, eamque consuetudinem Scy-
thæ & omnes ferè Scythici Celticiq; populi tenuerunt; quod
seorsim de nostratis affirmant (i) *Cromerus*, (k) *Dlugossus*, (l)
Matthias Michovius, (m) *Grunovius*, (n) *Sylvius*, aliique gravis-
simi scriptores. Consangvinitatis jura & gradus, non tam accu-
rate semper servarunt, Persis tamen castiores, qui conjugia pa-
rentum filiorumq; in serie recta, admiserunt, confer. *Micho-
vius*. Pudicitia ceteroqui non inane studium, temporibus im-
primis sequioribus, adhibitum est, cuius etiamnum vestigia ex-
stant: Non enim quenquam fugit, mos sanè perridiculus, tin-
tinnabula e zonis cingulisve pendula gestandi, qui apud sequio-
rem plebis nostratis sexum hodienum receptus, & legib; quon-
dam sanctus est, ut eō velut signō dato, in parentum conspectu,

Cu-

(a) dediis Samagirarum: (b) de moribus Tartaror. & Lithuanorum: (c) sub
Hermanno de Salza fol. 28. 6. (d) de Vet. Pruss. fol. 12. a. (e) Lib. IV. Chron.
Polon. XLV. (f) Lib. I. Chron. Slav. cap. I. (g) Lib. XLI. (h) de Vet. Pruss.
fol. 17. b. (i) Lib. III. p. 343. (k) Lib. II. annal. ad annum 997. (l) Lib. II.
Chron. Polon. cap. VIII. [m] Tract. II. cap. III. (n) in descript. Prussiae.

custodiaque versarentur. Appositè (a) Lascius, apud Curonenses,
ait, pueræ nubiles, multis in locis gestant tintinnabulum, quod funiculo alli-
gatum e cingulo dependet usq; ad genua. & vicissim (b) alibi, pueræ, inquit,
stricto per sequitur cultro se ad impudicitiam solicitantem, que duobus ante &
retro pendentibus de zona tintinnabulu incedit, quibus rebus monentur paren-
tes, ubi sit, quidve agat filia. Scitum sane, in licentiam sequioris sexus
petulantiamque animadvertisendi compendium, unde postmo-
dum conchæ, cochleæque, quas vulgus serpentum crania falsò
venditat, perizomatum usibus adhibitæ, nolisque innexæ exi-
stimir debent.

¶ XXXVII. Mortuorum cadavera cremata sunt, & velut narrat (c) Ko-
jalovicius, propinq; senio aut morbo spem omnem evincente confecti, trucida-
ti, mancipia, equi, canes, & quicquid in vivis carum habuissent, funerali ro-
go una cum defunctorum cadaveribus exulti. Tum apud eos in laude positum
est, si mulier propria manu sibi mortem consiceret, ut unâ strue pariter arde-
ret, cum virò suō, quod seculo VIII. annotavit (d) Bonifacius, Antistes Mo-
guntiensis. Confer. & (e) Joh. Dlugossius (f) Chron. Ordinis. (g) Petrus de Dus-
burg, (h) Hennebergerus, similesque monumentorum conditores. Postea
verò quam humati cœperunt, munuscula velut in viaticum defunctis at-
tributa sunt, atque inter hæc securis, acus, filum antuli, armillæ, quin &
nummi, tūm panis, potusve interdum addi conservaverunt. Lubens equidē
hic plura attexere in antiqua Curonorum Republica, moribus magis
quam legibus comprehensa, ac plebejâ communique libertate, sape ta-
men in licentiam versâ, & indole prope indomitâ, sed disciplinæ tamen,
si cultus accederet, capaci, erectâ item fortique, ac multis cruentisque
præliis egregiè frequenterque comprobata; nisi spatii angustia, & legum
autoritas me intra præscriptos fines terminosque coéceret. Quod reli-
quum est, conatus, qui in arduis quoque sufficit, causam meam,
atque ingenii & virium pariter imbecillitatem
defendet.

(a) de Diu Samagitarum pag. 56. (b) ibid. pag. 46. (c) parte I. Hist. Lithuan.
Lib. I. pag. 5. seq. [d] in Epistola ap. Zwingierum in Theat. M.V.H. Volum.
XLIX. Lib. II. fol. 3596. [e] Lib. II. annal. Polon. ad annum 997. (f) fol. 13. (g)
parte III. cap. 5. (h) de Vet. Pruss. fol. 23.